



LINDÅS KOMMUNE
Felles postmottak Kvernhusmyrane 20
5914 ISDALSTØ

Dato: 18.10.2017
Vår ref.: 2017/15328-36
Saksbehandlar: karvik_
Dykkar ref.:

Att. Nordhordland kompetanseregion, v/ Dina
Dyrhovden

Tildeling av midlar til Den kulturelle skolesekken for skuleåret 2017 / 2018

Utval for kultur, idrett og regional utvikling (KIRU) vedtok 13.09.2017 at total tildeling på kr 19 142 796 vert fordelt slik:

Del skulekonsertar: kr 6 543 027

Del Den kulturelle skolesekken i vidaregåande skule: kr 3 499 769

Del Den kulturelle skolesekken i grunnskulen: kr 9 100 000

Del Den kulturelle skolesekken i grunnskulen vert fordelt slik:

Tildeling til kommunane (1/3 av midlane + tillegg): kr 3 755 533

Tildeling til kursregionane: kr 250 000

Hordaland fylkeskommune: kr 5 094 467

Kr 250 000 vert fordelt på dei 5 regionale arbeidsgruppene, med kr 50 000 til kvar region. Føremålet er å fremje regional prosjektutvikling som munnar ut i konkrete turnétilbod til skuleelevar i dei respektive kommunane. Det er ein føresetnad at dei regionalt samarbeidande kommunane vert samde om kva for prosjekt dei vil utvikle innanfor DKS-samarbeidet.

Private skular er rekna med i fordelinga av midlane.

1. Mål og prinsipp for Den kulturelle skolesekken

Den kulturelle skolesekken skal sikre eit profesjonelt kunsttilbod i skulen på ein måte som understøtter det pedagogiske arbeidet og bidreg til realisering av skulen sine læreplanmål.

Måla med programmet er:

- å medverke til at elevar i skulen får eit profesjonelt kunst- og kulturtilbod;
- å leggje til rette for at elevar i skulen lettare skal få tilgang til, gjere seg kjende med og få eit positivt forhold til kunst- og kulturuttrykk av alle slag;
- å medverke til å utvikle ei heilskapleg innlemming av kunstnarlege og kulturelle uttrykk i realiseringa av skulen sine læringsmål;
- å gje born oppleving av kunst og styrke deira eiga skaparevne;
- å styrkje born si evne til å stille spørsmål, og stimulere til undring og kritisk vurdering.

Mål og prinsipp for Den kulturelle skolesekken som er vedtatt i St.meld. nr. 38 (2002-2003) *Den kulturelle skolesekken* og St.meld. nr. 8 (2007-2008) *Kulturell skulesekk for framtida* gjeld.

2. Andre mål og føringar (jmfør tildelingsbrev frå Kulturtanken)

Elevane på alle trinn skal medverke og delta i tilboda i Den kulturelle skolesekken. Elevmedverknad kan skje i planleggings-, programmerings- eller produksjonsfasen i tilbodet, i møtet med produksjonen og utøvarane, eller i ulike former for etterarbeid og evaluering av tilbodet.

Personar med nedsett funksjonsevne skal ha lik tilgang og høve til å delta i kulturlivet som andre, både som publikum og som aktive deltakarar. For å nå denne målsettinga bør omsynet til elevane sine ulike føresetnader og behov bli tatt med i planlegging, utforming og gjennomføring av Den kulturelle skolesekken.

Det er også eit mål at tilboda i Den kulturelle skulesekken skal vere med på å gjere elevane betre kjent med begge målforma på norsk, samt styrke elevane sin forståinga av dei nordiske naboSpråka.

Samiske kunst- og kulturuttrykk og samisk kulturarv skal vere ein integrert del av Den kulturelle skolesekken. I tiltak som inneber formidling av samisk kultur, bør kommunen ha kontakt med opplæringsavdelinga i Sametinget.

Kunstnarar som utfører arbeid i Den kulturelle skolesekken, skal betalast i tråd med bransjestandard og rettshavar si interesse skal takast i vare i tråd med åndsverklova.

3. Vilkår for tildelinga

Den kulturelle skolesekken skal vera eit tillegg til eksisterande satsingar på skule-, kunst- og kulturområdet, og ikkje erstatta noverande tiltak eller satsingar som vert finansierte med andre midlar. Midlane skal ikkje gå inn i ordinær skuleundervisning eller i allereie eksisterande skuletiltak.

Det er ein føresetnad for tildelinga at regionen rapporterer om tiltaka i regionen sin regi. Tildelte midlar skal nyttast i tråd med måla og prinsippa for ordninga.

4. Rapportering

Frist:

- Rapport på tiltak for *kalenderåret 2017* skal sendast innan **1. februar 2018**.

Vi gjer merksam på at dersom regionen har overført spelemidlar direkte til grunnskulane, må regionen likevel rapportera etter dei premissane som vert gjort gjeldande i dette tildelingsbrevet.

Kontroll

Fylkeskommunen og fylkeskommunen sin revisor har til ei kvar tid rett til å kontrollere at midlane vert forvalta i samsvar med vilkåra for tildelinga. Regionen pliktar på førespurnad å gje fylkeskommunen og fylkeskommunen sin revisor alle opplysningar/dokument som dei finn naudsynt for sin kontroll og elles medverke til gjennomføringa av denne.

5. Spesifisering av tildelinga

Nordhordland kompetanseregion har fått tildelt **kr 50 000,-**.

6. Utbetaling

Vi viser til krav som går fram av den reviderte forskrifta om IT-standard i offentlig forvaltning som regjeringa har vedtatt. Leverandørar til kommunar og fylkeskommunar vert pålagde å sende elektroniske faktura og kreditnota på standardformatet EHF frå 1. januar 2015. Tilskotsmottakar vert i denne samanheng definert som Leverandør då dette er ei utbetaling.

For utbetaling av tilskot, må de sende ein elektronisk faktura i EHF-format til Hordaland fylkeskommune.

- Elektroniske fakturaadresse: 9908:938626367
- Aksesspunkt: Visma

NB! Faktura tilsendt pr. post eller e-post blir returnert.

Merking av faktura

- Deres referanse er eit obligatorisk felt i EHF-standard. Vi nyttar eit femsifra tilsettnummer (i dette høve 14333) for at din faktura skal gå automatisk på flyt til rett mottakar.
- Deres referanse i xml-fila: AccountingCustomerParty/Party/Contact/ID
- «Kundens ordrenummer» må stå tomt sidan fakturaen ikkje er basert på ein ordre. Dette for at den elektroniske flyten ikkje blir forseinka.

Saksnummer: 2017/15328-36

Tilsettnummer: **14333**

Beløp: kr 50 000

Beløpet vil bli utbetalt når Hordaland fylkeskommune har mottatt og behandla EHF-faktura med korrekt merking med saksnummer og tilsettnummer. De har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Ta kontakt dersom noko er uklart.

Hordaland fylkeskommune ser fram til vidare samarbeid om DKS.

Per Morten Ekerhovd
konst. fylkesdirektør kultur og idrett

Ronny Skaar
utviklingssjef

Brevet er godkjent elektronisk og har derfor inga underskrift.